

DISCOVER

(Bible Ralchhan)

Zirlai - 25

Tunhuna Pathian Kohhran Ka Hmuchhuak
Thei Ang Em?

Kum rei tak chhûng chu Ireland Hmâr lama Roman Catholic leh Protestant-hote chuan "Bible chu a dik a ni," ti ve vechungin nasa takin an indo va. Communist rindân chu Europe khawchhak

avângin Orthodox Kristian te, Catholic Kristian te leh Mosolman te chu sakhaw lama rinna thua nasa takin an in that bawk a. Kum zabi rei tak chhông chu Middle East-ah pawh. Thuthlung Hlui aṅanga thurinte nei ve ve Juda leh Mosolman ho pawh an in bei reng a ni.

Tunlaia thu dik pakhat, rinna hmun khat leh inpêkna pumhlum zirtute an thlaphâng hi a mak lo ve. Chutichung chuan inngahna a tak taka rintûr thu dik kan dap mai bawk si a ni.

Tunlai hian miṭhenkhatte chuan nangma dik tih zawng chu zawng chhuak mai rawh,” tiin Pathian chu thinlung chhông khawilaiah hian emaw a awm niin min hrilh a. Amaherawhchu han kal zêla ila, a thlaphân thlâk tawlh tawlh mai a, vâh hnuaiiah hian kan aia lian thu dik rintûr a awm lo nia han hriatngat pheh hi chu a râpthlâk hle a ni.

Hei tak hi kan tunlai buaina chu a ni. Khawvêlah hian awmze nei inngahna kan duh a, mahse mi â te dinhmuna luh chu kan hlau bawk si.

Vânneih thlâk takin Pathian chuan tunlai thuchah bîk min siam sak a. Pathian chuan hun hrang hranga chêngte mamawh puhruk tûr thuchah bîk a pe ṭhîn a, chung zîngah chuan sualin an chênna khawvêl a tih chhiat hnua Evi leh Adama ṭanpui tûra thuchahte, tui a lêt dâwna thuchahte, Babulon leh Asuria ten an beih dâwna thuchahte.

A hun chhông atân chuan Isua chu thuchah bîk kengin a lo kal a. Tunlaia inngahna kan neih theihna tûra thu chah bîk a nei a ni. Chungte chu Bible-a Daniela

leh Thupuanah kan hmu, Thupuan Bung 12 leh 14 chuan tunlaia kan tâna Pathian thuchah a kaihtawiin mi pe a. He zirlaiah leh zirlai (kaihhraina) dangah te chuan ngun takin kan chhui dâwn a ni.

1. ISUA NGEIIN A KOHRAN DIN

A nundân leh a zirtirna te chuan rinna kawnga in pumkhatna in pawh taka inpâwlhona chu Apostolte kohhran Isuan a dinah chuan a awm a ni. Apostolte hun laia Kristiante chuan tu nge an nih inhriain in ringtâwk takin an rinna chu an nunpui a ni. Tho leh Krista te nêh pawh inzawmna nghet tak an nei a. Chu inzawmna chu Paula chuan inneihna hi a tehkhin a ni.

“Pathian thîknain asin ka thîk che u ni; Krista hnênah chuan nula thianghlim angin ka pêk theihna tûr che u in, pasal pakhat ka hual sak si che u a.” 2 Kor 11:2.

Paula sawi dân chuan kohhran chu nula thianghlim Krista mo a ni.



Nula thianghlim a tharna leh thianghlimna Krista mo anga tehkhinna hi Krista kohhran aiawh tu a ni. Thuthlung Hluiah pawh, he lehkhabu thu pangngai tho hi Israelte chu Pathian hnam thlan bik an nih zia entîr nân hman an ni. Pathian chuan Israelte hnênah, “Mo angin min hmangaiha (Jeremia 2:2) in pasal ka ni (Jeremia 3:14 NiV). Thuthlung hluiah chuan kohhran tih hi hman a ni lo nain, Thuthlung Tharah chuan Israel chu thlalêra kohhran thar,” tiin a sawi a ni. (TT 7:38 KJV).

Tin, Thupuanah pawh Johana chuan kohhran chu ‘hmeichhia’ tiin a sawi a ni. Tin, thil mak ropui tak vânah a lo lang ta a; hmeichhia nîa inthuum, a ke hnuaia thla awm, arsi sâwm leh pahniha siam lallukhum khum a lo awm a.” Thu 12:1.

He hmeichhia hrilhfiahna hian Johana rilrua Pathian mi Israel, Thuthlung Hluia mite chu Thuthlung Thara an loluh dân tûr a sawina a ni.

1. “Hmeichhia chu nîin a in thuama,” hei hian kohhran chhun nî anga a êng a kawh a, chu chu Krista awmpuina ropui tak vâng a ni. Isua, khawvêl êntu (Johana 8:12) chu a mite chhûngah a ên avângin anni pawh khawvêl êng an lo ni thei ta a ni. (Mat 5:14).

2. Hmeichhe ke hnuaiah chuan “Thla” a awm. Thla hian Thuthlung Hlui hun laia thil serh leh inthawina tûr chanchin ṭha êng an entîr ai a awh a. A ke hnuaia thla hian Thuthlung Hlui hunlaia Chanchin ṭha êng taka Krista nun a rawngbâwlna, a thihna leh thawhlehnaten an rawn thlâk ai a awh a ni.

3. Hmeichhia chuan “arsi sâwmleh pahnih a

siam lallukhum a khum a,” Arsite hian zirtîr sâwm leh pahnihte ai a aw h a, chûng mite nundân ropui tak leh Isua tâna an chet dânte chu vawiinni thleng hian ropui takin an la êng a ni. Johana chuan Thuthlung Hlui hun laia Pathian mite Isua ngeiin a din Thuthlung Thar kohhrana an luhchhoh dân Chiang takin a entîr a ni.

He hmeichhia awmdân hrilhfiâh nâna hman nî te, thla te leh arsrite hian Krista kohhranin êng a lantîr dân leh Chanchin Tha tihdarhna kawnga ahna hmasa a rawn entîr a ni.


2. SETANA HNEHA AWM DAN

DRAGON Thilsual emaw Setana entîrna a ni.

“Tin, vânah chuan indona a lo awm a, Mikaela leh a vântirhkohte chuan dragon chu an do va, dragon leh a tirhkohte pawh chuan an do ve a; nimahsela an hneh ta lo va, an hmun chu vânah a awm ta bawh hek lo. Tin, dragon lianpui, rûlpui tar, Diabola leh Setana an tih, khawvêl zawnz zawnz bumtu chu an paih thla ta a; leiah an paih a, a tirhkohte pawh an paihthla tel ve a,” Thupuan 12:7-9.

Aiawhte hi kan hriatthiam chuan a awmdân hi hriatchian (thiam) a awl khawp mai. Setana leh a hote chuan vâna an hmun (awmna) chu an chan tak avângin, leiah paih thlâk” an ni a. Kum sângnhnih lai kal taa he khawvêla Isua a lo pian khân, Setana chuan Isua chu thah tumin mipa naupang pianghlim chu thah vek a tum

a. Mahse a hlah a, nakinah pheih chuan Isua chu vânah Pathian lalthutphahah a chho ta daih a. Amaherawh chu Setana chuan Kristan a din Kristian kohhran chu tiral tûrin theihtâwp a chhuah a ni.



Chutiang chuan Setana chuan Krista leh a kohhran chu a tichhe thei chuang lo.

Johana chuan (inlârnain) he leia Krista leh Setana inkâra in beihna nasa tak hi a hmu a. Chu indona a tâwpna chu Krsita khenbehna a rawn thlen chuan,

Johana chuan vânah aţangin au rawl a hre ta a.

Tin, vânah chuan aw ring takin, “Tûnah chuan kan Pathian chhandamna leh thiltihtheihna leh ram chu a lo thleng ta, a Krista thuneihna nêh; kan unau hêktu, kan Pathian hmaa achhun azâna hêk thîntu chu an paih thla ta si a.” Thup 12:10.

Krista chuan krawsah khân Setana chu chatuan atân a hneh ta. Krossah khân chhandamna hna chu hlenin a lo awm ta a ni. Pathian chuan Setana fin verther zawng zawngte hnehna thiltihtheihna (chakna) chu a pe ta a ni. Pathian lalram chu tihnghehin a awm a, Kan puithiam, Lal leh Lalber atâna Chhandamtu thuneihna chu tihnghehin a awm ta a ni.

Tûnah chuan hun lo kal tawh zawng zawnga ropui ber, chhandamna chu a lo thleng ta. Khawvêl Chhandamtu Krista chu a thi a, mahse Indo leh thihna chung a hnehtu nihna changin thlân aţangin a tho leh ta a ni. (Châng 10) Setana erawh chu chatuan atân hnehin a awm ta. (Châng 7-9) Kraws erawh chu a chakna vâwrtâwp thlenga lantîr a ni. (Châng 10-11).

“Tûnah chuan kan Pathian chhandamna leh thiltihtheihna chu a lo thleng ta,” tih hian Johana mai ni lovin khawvêl pumpui a tilawm a ni.

“Chuvangin aw, vânte leh a chhûnga awmte u, lâwm rawh u; lei leh tuifinriat chung a pik e; Diabola chuan hun tlêmte chuah a nei tih a inhriat avângin thinur êm êm a in hnêna a lo chhuk tak avângin.”
Thup 12:12.

Vânte chuan Krista hnehna chu an lâwm a. Krista chuan Setanan vâna a lo chuh ve thinte kha a tichhe vek a, hnehhnu Setana chuan kan khawvêl chung a chuh zawng zawngte chu chatuan atân a chên hlen ta a, Krista nêna kal dunin kohhran chu hnehna nêna a kal zêl ta thung a ni.

3. KOHHRAN LEH SETANA INKALHNA

Krista chuan vâna a lâwn hnuin Kristian kohhran a din a (Chu chu hmeichhia a entîr a ni). Chu kohhranah chuan a nunna chu chungin a nunna a pe a. Kraws a Krista thihna chuan Kristiante chu Setana hnehna tûr chakna a pe a ni.

“Nimahsela Beram No thisen avâng leh an hriattîrna thu avângin, ani (Setana) chu an hneh a ni, thih ngam khawpin an nunna an ngai nêp bawk a.” Thup 12:11.

Tûnah chuan Krista chuan, a chakna leh a hnehna rah chu kohhrante hnênah a pe thei a ni. Kraws a Isuan hneh taka Setana a hneh ang khân, tûnah hian a kohhrante hmangin a la hneh zêl a ni.

Kristiante hun chhông hian thil pathumin kohhran hnehna chu a tilang a ni.

1. Berâm No thisenin Setana chu an hneh a ni. Isua chu Pathian lalthutphaha a chhoh tawh avângin, a thisen chu amah zuitute chak nân a siam thei a ni. Kan sual chhinchhiahna te chu tifaiin (tirehin) a thisen chhuak chuan min chhandam thei a ni (1 Joh 1:7). Chhandamtu tho leha thisen nunna pe tu chuan nitina Kristian tha ni thei tûrin chakna min pe bawk a ni. (1 Pet 1:18-20) (Krista thisen awmzia hrilhfiahna hre Chiang tûrin kaihhruai 11 leh 5 na en rawh).

2. “Thih hlau khawpin an nun an hmangaih lo.” Berâm No thisen chuan Krista tâna thih ngamin a siam a; thihna an hlau lo. Kraws thiltih theihna chuan martarte chu hmêlma hmâah pawh an hna pawimawh zia an phat ngai lo. Pathian chuan nasa takin a tuar tawh a, anni pawhin an tuar ve ngam a ni.

Naupangte thleng hian inhlanna tâwp an siam thei a ni. Vawikhat chu nu pakhat hian Sorkâr chungah a rinawmna tâwpkhâwk chu pe lo va Krista hnêna a pêk zâwk avângin Rom ho enawm enna hmuna sakeibaknei

pûkah an paih lut a. A fanu chuan chu thil râpthlâk tak chu a thlîr a. Hlauva hnung tawlh ta lo chuan a nu tâna inpumpêkna chuan a kawchhông chu a rawn hnawh a Sakeibakneiin a nu a beih ve leh ding chhuakin “Kei pawh Kristian ka ni,” tiin a au chhuak a. Rom Sorkâr mi chhawrte chuan hmun leh hmunah chuan manin ramsa rilfâmte pûkah chuan an paih thla ve ta a ni.

Kum zabi hnihna lai a kohhran hruaitu, Tertulian a chuan Kristainte chanchin heti hian a sawi a. “Hmangaihna hnathawh chuan kan zîngah chhinchhiahna a siam a, chuti chuan , ringlo mi chuan, “an in hmangaih zia leh an rinpuite tâna thih an ngam zia hi en teh u,” a ti a ni.

Thihna hmâah pawh Bible thu dik la vuan tlat chu entawn tlâk a ni. Hetah hian ringtu, Pathian thuin a zirtîr anga hnim phum ngeia baptisma chan phuttute harsatna kaltlang chu a awm.

Kum 1160 khân Paulicians (Baptists) hote chu Oxford-ah an lo lut a. Henry II-na chuan an chala thîrsâa chhinchhiah tûr thu a pe a. Khawpui kawthlêr kawngtluan chuan vuak tûr thua pein an thawmhnaw chu an kâwng chinah tan sak a, ram hnuaiah a um bo va. Thingtlânga khuate chuan an inah an thlengin chaw an pe tûr a ni lo va, Rilfâma leh khawvâwt chuan zawi zawiin a hmet hlum zo ta a.” Moore, Earlier & Later Conformity in Oxford, p.12.

3. “A hriattîrna thu (testimony) in Setana chu an ngam a ni,” thu naran mai ni lo, an hriattîrna thuin chu chu an nunin , Isua chakna leh a Chanchin T̄ha thu an hriatpuina nung chuan an hneh dâwn a ni. Kristian hun kal

tawha thim chhah lai ber hunah pawh khân, Kristian sipai rualte chuan hman lai kohhran puipate ațanga siamțhatu (Reformers) te thleng khân, an chung a Setanan a thlentîr theih te chu an nuna chakna khân an lo hneh thîn a ni.

Thupuan 12:11 chuan Kristian kohhran hnehna chu a lantîr a, kohhran chu hnehtute a tihkhah angin a tilang a, chûng mite chu: Apostolte, martarte, siamțhatute leh Kristian rinawmte an ni. An hriattîrna thu an ngilneihna te, huaisennate, rinawmna te leh hnehna te chu kum zabi tuan chhûngte chuan an lang a, chungte chuan khawvêl a tinghing a ni.

Tin, dragon chuan leia paihthlâk a ni tih a inhraiat ve leh, fapa hringtu hmeichhia chu a ti duh dah ta a. Tichaun thlalêra a hmunah chuan a thlawhluh theih nân hmeichhia chu mupui lian tak thla khinghni an pe a, chutah chuan rûlpui hmuh phâk lovah hian hun khat leh hunte leh hun chanve chhûng zawng an chawm ang. Tin, rûlpui chuan tuiin a lenbo tîr theih nân, hmeichhe hnungah chuan lui ang mai hian a ka ata tui a pik chhuak a, nimahsela leiin hmeichhia chu a țanpui a, lei chuan a kê a ang a, dragon in a kê ata a pik chhuah lui chu a lem zo ta a.” Thup 12:13-16.

Kristian huna “Hun Tiam” chhûngah chuan, hrihlhâwk ang chiahin, Setana chuan kohhran chu tuilianin a len bo theih nân tihduhdahna te chu a rawn thlentîr thîn a. Hei hi thlarau lama indona a ni. A pawimawh khawp mai. Setana chuan kohhrana Isua awmpuina chu a kohhrante tiborala tih chhiat vek a duh a, a rilru سوالin

bumna a ngaihtuah chhuah theih zawng zawng a hmanga alang apau chuan dragon hian Setana ai a aw h a.

Amaherawh chu Setana hian, dragon angin, mihringte thuneihna hmangin Pathian mite chua bei thîn tih hi hre reng rawh. Krista a lo pian khân, tihlum tûrin Rom lal Heroda a hmang anih kha; sakhaw lama Krista el tak mai chu Chhandamtu tiral tûrin a hmang a, a tâwp atâwpah chuan krawsah khân a tuartîr ta a ni. Mahse Setana hnehna anga lang thei thuaka chu Krista hnehna ropui berah a chang ta a ni. Krawsa hneha a awm tâkna chuan Setana chu nasa takin a tithinur a, tichuan Isuan a din kohhran chu nasa takin a bei ta a ni.

Krista khenbeh aţanga kum rei tak chhûng chu sâng tam takin Rom ho ennawm chhuahna hmunah te, intihsiakna hmunah te, insawisakna hmunah te, lung in thimah te leh thlalêr hmunah te chuan an nunna an chân a ni. Hêng tihduhdahna te hi ram rorêltute chawhharh chhuah an ni.

Apostolte an lo ral hnu chuan tlêm tlêma inthlâkna thar Kohhran chhûngah a lo lut a, kum zabi hnih thum leh liah te chuan Isua leh a zirtîrte ngeiin a thu dik an zirtîrte chu kohhrana mi tam tak chuan an tidanglam a. Chutianga thudik phatsan hruaitute zînga thenkhat chuan Thuthlung Thar rinna thianghlim ţantute chu an ti duhdah ţan ta mai a. Mitthiamte chuan hetah hian mi vaibelchhe ngâ vêl thiin an chhutchhuak a ni.

Kohhran tihchhiat vek a tum chu a hlawhtlin tak loh avângin Setana chuan tihduhdahna leh zirtîrna diklo kohhran lem bo vek thei tûr chu a rawn siam chhuak leh a.

He tihduhdahna hun lai hian kohhran chu apostolte kaihhruai dân ațanga tihdân thlâkin a tâna hmun buatsaih thlalêrah chuan a kal ta a. Vâneih thlâk takin Pathiana mi rinawmte chuan an tâna Lalpan hmun a lo buatsaih sakah chuan him takin kum 1260 chhông chu a lo awm ta a. (Thupuan 12:6 Amplified New Testament bracket in original) He hrilhlâwkna hi kum 1260 chhông awhtu, tihduhdahna AD 538-1798 a mi kha a ni. (Tin, hrilhlâwknaah chuan ni khat leh kum khat hi a intluk a hman a ni tih hre reng ang che (Eze :4:6).

He hun thim (Dark Ages or Dark Centuries) chhông hian Bible zirtîrna rinawm taka zâwmtute chuan an theihna hmun apiangah inhumhimna an zawng a, entîrnân Italy khawthlang Waldensian valleys (phairuam) ah te, France ram chhak lamah te leh England rama Celtic kohhran ang te hi. Miropui, Ireland a Patrick a ang te, Iona a Columba te, Lindisfarne-a Aidan te chuan Pathian Thu chu bihrûkna hmuna zirna hmunah te chuan an sawi thîn a, chutah chuan hriat lohna vâng te, puithûna vâng te leh dawhtheihlohna avânga hun khirh hnuaiia Pathian Thu dik mite hnêna sawi dân an zirtîr a. (BIBLE THUPUAN hi i zawh hunah kum 1260 chhônga kohhran chanchin kim chang an harsatna te, an in hnialna te i hriat duh chuan God Cares Daniel leh God cares thupuan zirna rawn zawm ang che.

Kum zabi hrang hrang hnuaiia kohhran chanchin Thupuan buin a tlângpui dik taka a lo sawi te kan hre ta nuala, tûnah erawh chuan kan hun laia kohhran 1979 ațangin kan chhui ve thung tawh ang.

4 KAN HUNA PATHIAN KOHHRAN

Kan rin ang ngeiin, dragon chu Pathian mite chungah chuan a la thinrim êm êm a ni. Hmuh thiam theih loh indona ropui tak chu a la kal zêl a. A nihna dik takah chuan Isua lokal dâwnah ngat pheh chuan a beihna hian (ropui)) ber chu kohhran chungah a ni ang. Hrilhlâwkna tâwp lama a tihtûr hnuhnûng ber chu chhinchhiah teh.

“Tichuan, dragon chu hmeichhe (Pathian kohhran) chungah chuan a thinur a, a thlah la awm Pathian thupêkte zâwma Isua hriattîrna thu pawmte chu do tûrin a kal ta a.” a ti ngat a ni. Thup 12:17.

He hrilhlâwkna hian kan hun a rawn thleng ta Setana chu a thinrim ta. Hmeichhe thlah la bângte chu a do ta. Hêng mite hi tun huna pathian mite chu an ni. Krista lo kal thleng a Kristian (Pathian kohhran) te chuan chhinchhiahna (hriattheihna) an nei dâwn a ni. Chungte chu :

1. Hun tâwpa kohhran (ringtute) chuan Isua hriattîrna thu an pawm ang. Pathian Thu rinna thianghlim chu pawmin, an nun chuan an lantîr ang. Bible thu dik chuan hmangaihna leh Krista tâna inserh thianghlimna chu a siam thîn a ni tih an hria ang. Mi tâna rawngbâwl leh Krista tâna nun hi hlimna ropui tak a ni tih hi mite hriattîr an duh ang.

2. Ni hnuhnûnga Kristiante chu hrilhlâwkna ngaisâng mite an ni tûr a ni. Isua Krista hriattîrna

thu a dawn chuan Johana chu Thupuan bu a ziahtîr tûrin (Thup 1:1-3). Krista lokal dâwn a kohhrante pawhin hetiang thilpêk hi an dawng ve a, chu chu Pathian ațanga hriattîrna (testimonis) mihring hmang a dawnna hi a ni a, Johana chuan Isua hriattîrna thu chu “Thuhrilhlâwkna thlarau” tiin min hrilh a ni. (Thup 19:14). Hrilhlâwkna thilpêk chuan an hna thawhtûr chiang taka hriatna leh an tâwpna tûr chu hriatfiahna a pe a ni.

3. Ni hnuhnûnga Kristian (ringtu) te chu Pathian thupêkte zâwmtu an ni. Thusâwmpêk a la din zêl dân tantlattu mai ni lova, a zâwmtu pawh an ni. Thlarau

Thianghlimin Pathian chuan an thinlungah a hmangaihna a thun a. (Rom 5:5)

Pathian hmangaihna chuan lâwm taka a thuâwihna a siam a ni. (Rom 13:8-10).

Apostol din kohhrante chuan Pathian thupêkte chungah an rinawm zia an lantîr a, chutiang bawkin ni hnuhnûnga kohhrante pawh chutiang dinhmuna ding ve tûr chu an ni. Pathian thupêkte zâwmna kawngah chuan Krista leh
Apostol te hniakhnung an zui tûr a ni.



“Nangnin min hmangaih chuan ka thupêkte in zâwm ang.” Joh 14:15.

Hei hi i nunah a awm em? Ni hnuhnûnga Kristiante nun chuan, Krista avangin kan thinlung zawng zawng a Pathian hmangiah leh keimahni anga kan veng (mihringpui) te hmangaih hi a theih a ni. Pathian leh mihringpuite hmangaihna hi a tawi zawng kan sawi chuan Thusawmpêkte zawmna hian a huam a ni. (Mat 22:35-40).

Chung thupêkte zînga palina chuan Inrinni kârkhata ni sarihna chu chawlnîa serh tûrin min ti a ni. Isua hmangaihna chuan thusâwm pête chu an thinlung a nemngheh tlat avângin ni hnuhnûnga Kristiante chu chawlnî dik (Sabbath ni) serhtu an ni ang. Setana chuan thusâwmpêka a palîna chu a theih dân hrang hrang hmang a, a ziakna lung aţanga tihbo hi a tum tîhîn, nimahsela ringtu riawmte thinlung aţang chuan a thaibo thei lo a ni.

Ni hnuhnûngah hian Pathian chuan a thupêkte zawm tûra harhtharna a nei dâwn a. Hun tâwp dâwn têpah hian ama thu chauh awih tûra mite chu sâwm lêt leh tûrte a nei a ni. Chawlni (Sabbath) chauh hi Pathian chu Lei leh vân siamtu leh he khawvêl leh kan thinlunga Lalber a nih entîrtu a ni. Thupuan Bung 12 aţanga 14 thlenga Pathianin amite hnêna a sâwmna laimu pawh chawlni Thu hi a ni. (Thupêk palîna zir ngun rawh).

Hêng bung leh châng a sawi tak, ni hnuhnûnga Kristiante chu vâna thil tûl zawng zawngte chuan an thuam dâwn a ni. He khawvêl hian an langsâr lo mai thei, amaherawh chu an tawngtainate chuan an lama

tang tûrin vâna angelte chu a siam thîn. Chhandamtu Nungrenga chu englai pawha an thian a ni a, Thlarau Thianghlim chuan tichak tûrin an chungah a thawk reng a. An tâna thutiamte chu a chiang a. Setana chu Berâm No thisen leh a hriattîrna thute chuan an hneh dâwn a ni. (Thup 12:11).

Kan Pa duhtak, Isua hriattîrna thu chiang tak Pathian thu aţanga ni hnuhnûnga Pathian mi hnehtu nih theihna kawng mi pêk avâng hian ka va lâwm em! Chatuan Chanchin Thaa ka nunna hlan tûrin min ţanpui rawh, I thupêkte leh Isua rinna thute zawm tûrin min pui rawh. In pumpêkna ka nun zêl theih nân Krista min hnaih tîr la, a khawngaihna tâwptheilo ring tûrin min pui bawk ang che. Chu chu Isua hmingin ka dil e. Amen.

Published by
Mizo Conference of Seventh-day Adventists
Seventh-day Tlâng,
P.O. Box 97, Aizawl 796 001, Mizoram